

OBSERVADOR

Semanario informativo y educativo
na interes di Aruba

Wilhelminastraat 31

P.O. Box 229 — Tel: 1182

Subscription: f. 2.— pa luna

Edicion cu of sin suplemento 0.50 ct.

NED-ANTILLEN
3
CENT

Aña 5

Aruba, Januari 29, 1965

No. 154

E Moción di Eilandsraad un paso bon pa cuminza cu n'e.

(Pa nos colaborador F. Oduber)

Oranjestad — Cu un moción Eilandsraad di territorio Insular di Aruba a demonstra nan preocupacion pa e consecuencianan di e "Super Lay-off program" di Lago. Un moción hopi biahá ta un sorto di expresión di ideanan cu ta reina den miembro di un cuerpo representativo di un pueblo.

Tal vez e por ta pa desapropa algo of pa aproba algo. I den e caso aki e ta ta pa desapropa un medida cu probablemente lo ser tumá door di un compañía, cu ta establecé na Aruba, i cual medida lo tin consecuencianan fatal pa Aruba. I considerando cu nos aki banda ta reconoce e principio di "free enterprise", por ser sperá cu Lago tog lo haci exactamente loque e ta deseá sin tene cuenta cu nada. I pues e moción no lo haci muchu efecto.

Pero en todo caso e ta un paso bon pa cuminza cuné. Di e reunion dia Viernes siman pasa por ser bisá cu toer miembro cu a haci uso di palabra, a expresá su spanto i miedo.

Den sierto sentido ta esey so por haci al momento. En breve a socede lo siguiente na Aruba: Lago a trece abundancia, Aruba a biba den abundancia i asina ciegame a negligia asuntonan cu ta esencial pa nos bida económico. Un di a asunto nan ey ta: pensa riba futuro di nos relacionnan cu Lago i en general riba evolución di nos economía den futuro.

Claro; hopi a worde haci riba terreno di turismo i tambe riba terreno di industria. Pero ta stranjo cu awor cu Lago ta bai kita hende drasticamente foi trabou; Aruba ta ariba bau. Podiser, esaki ta demonstra, cu no a worde haci suficiente? Además ainda nos ta pensa directamente riba e hecho cu no a logra di industrializa suficientemente, cu ora socede algo cu Lago, nos por ta bastante safe pará. (Pessimistanan lo lo bisa cu nos nunca lo por ta bastante safe, pasobra nos no tin nada di nos mes) Pero aki nan nos ta pensa riba hecho cu nun a a pensa maza Lago na lev nan cu por garantiza nos un krenchi mas siguridad den nos futuro.

Nos a acepta cu Lago a duna nos trabau i un bon salario pero nos a lubida cu si Lago bisa majan: ta

basta, anto Aruba lo cambia den cementerio. Pasobra lo tin hende ta muri di hamber. Esaki no ta asina exageradamente bisá. Ta paki-ko tin tanto miedo i spanto asina anto awor? Pasobra e ameneza cu ta riba nos cabez ta: pobreza. I pesey nada cu a wordo bisá den e reunion di Eilandsraad siman pasá ta emocional. I si nan ta emocional, anto quico; emocion ta comprendibel.

Mas comprendibel cu negoshi bruto i duro. En berdad, di otro banda, nos no mester bai investiga awor ta ken ta e culpable. Pa un gran parti esaki ta henter poblacion di Aruba. Pero comprobando esaki nos no ta jega mucho leu. Loque nos mester realisa awor ta: cu nos tabata fout den pasado. Fout pasobra nos a kere cu un compañía cu fin como promé lema: haci ganashi, por bin considera e terra Arubano como patria. Nos a lubida cu ken cu kjer haci ganashi no conoce patria sino espacio cu por ser explota. Fout pasobra nos a biba cu un ilusión i pesey nos no a sinja ta kiko ta responsabilidad. Finalmente nos nunca a realisa cu nos ta un lugá pover, pasobra semper nos a biba den riqueza. Pero riqueza mescos cu toer cos ta caba un dia. I consecuencia di toer esaki ta cu nos futuro ta instabil. I esaki ta trese inquietud den un pueblo. Pesey tambe e miembronan di Eilandsraad no por ser considera como poco hende emocional i excitá.

Finck: "Unda justicia social ta keda".

Eman: "Lago ta cometi injusticia cu e "Lay-off program aki".

Geerman: "awor aki tin temor, i di temor pa odio ta un caso chiquito". Asina nos por sigui cita miembronan di nos cuerpo representativo. Awor aki ningun medida a ser tuma ainda, ya cu un proposicion di senyor Geerman a wordo reclamá (E proposicion ta aspira un arreglo den forma di un ley social cu ta prohibi Lago di kita más cu 1 of 2 por ciento di su empleado pa anja) Lago nos toer comprende cu e motibo cu senyor Geerman no a hanja apovo den Eilandsraad ta pasobra e miembronan ta di opinion cu e tempo pa tuma medida no a llesá ainda.

(Cont pag 2)

MI LUCHA

na aruba
m'a nace
i mi cuero a keinta
ora sanger furioso
a keinté cu bida

mi lombrishi ta derá
na aruba
i pa mi esey ta:
un historia
un cuenta
pa mi conta mi jioenan
un lucha pa mi hoga 'den

nan di cu e isla
ta un perla
cu lama ta adoré
te hasta suté den su skochi sensual
i t'esey ta aruba?
un birgen cu un amante bruto?

esey ta aruba
un romance
un lucha pa mi hoga 'den

i mi ke pa un dia un mainta
lo mi muri cu su solo riba mi frenta
i su rosea den mi cabez....
i no papia mi
di un perla
ni di un baranca
ni di su solo sofocante
ni di su paisaje
tristo i desolá
pero haci mi loko cu amor
pa mi inspira mi lucha
te cu morto ranka mi fei otro
i tira mi pa biento
papia mi di mi lucha.....

Federico Oduber



E MOCION MANERA ELA WORDE PRESENT PA MIEMBRONAN DI EILANDSRAAD DI TUR 3 E PARTIDONAN:

a) e participacion oficial di
Gezaghebber di Territo-
rio Insular di Aruba, den
su calidad di President
di e Raad aki, cu ta ber-
dad cu Lago Oil &
Transport Co. Ltd., a
acelerá e ehecucion di su
programa di lay-off con-
siderablemente;

b) e participacion oficial di
e antes mencionado Pre-
sident, cu Lago Oil &
Transport Co. Ltd. a la-
ga di informa Bestuurcol-
lege riba esaki, no obsta-
nte cu Bestuurscollege re-
petidamente a pidi Lago
informacion tocante su
plannan di layoff;

c) e peticion di Bestuurcol-
lege na Directiva di Lago
Oil & Transport Co.
Ltd., pa stop cu e men-
cionado programa di lay-
off of a lo menos suavi-
zá e programa aki, pa
asina e desempleo, cu e
lo ocasioná, por ser ab-
sorbi mas efectivamente;

d) un peticion den e mes
un direccion di Indepen-
dent Oil Workers Union
of Aruba na Directiva di
Lago Oil & Transport
Co. Ltd.

Considerando:

1) cu e ehecucion, proyectá
na Lago di su programa
di lay-off acelerá, ta mo-
tibo di gran preocupa-
cion, no solamente pa
motibo di e desempleo,
cu e lo causa directamen-
te, sino tambe pasobra e
lo desequilibra e actual
estructura economico di
Aruba y lo dificulta e fu-
turo desarrollo di nos eco-
nomia considerablemente;

2) cu e mencionado progra-
ma di lay-off lo tin con-
secuencianan fatal pa nos
poblacion, cu durante e
ultimo guerra a sumini-
stra e forzanan aliado
1/5 parti di nan consu-
mo total di azeta, loke
tabata un importante
contribucion n'e victoria,
cu cual e principianan di
libertad di nos mundo li-
ber occidental a ser rea-
guardá y, por lo tanto,
no merece pa worde su-
mergi awor den pobreza
y asina corre e riesgo di
bira victima di ideologia-
nan extremista;

ta resolvé:

1) di condena e programa
di lay-off acelerá di La-
go como en violacion cu

su responsabilidad so-
cial pa e comunidad aru-
bano, en violacion cu e
espíritu di Tratado di
Alianza pa Progreso y
en violacion cu e esfuer-
zonan di Estados Uni-
dos pa pone un fin na
mayor infiltracion di co-
munismo den hemisfe-
rio occidental;

II) di expresa e speranza
cu Lago Oil & Trans-
port Co. Ltd. y Stan-
dard Oil Co. of New
Jersey, lo dedica n'e pe-
ticionnan di Bestuur-
college di Aruba y di
Independent Oil Wor-
kers Union of Aruba un
serio consideracion y lo
no laga di usa ningun
medio posible pa prote-
ge e isla progresista aki
contra e consecuencian-
nan di tal programa di
lay-off;

III) di manda copia di e
e mocion aki telegrafica-
mente pa:

S.M. La Reina di Hulanda
President Lyndon B. John-
son di Estados Unidos
Gobierno di Hulanda
Gobierno di Antillas Hulan-
des

Congreso di Estados Unidos
Parlamento di Hulanda
Staten di Antillas Hulan-
des
Directiva di Standard Oil
Co. of New Jersey
Directiva di Lago Oil &
Transport Co. Ltd.

E mocion....

(Cont. di pag. 1)

I cu mester tuma medi-
da den futuro ta sigur. Ain-
da den e tempo nan aki
tin hende cu ta pensa cu
nos no mester duna Lago
mucho dolor di cabez, pa-
sobra e por rabia!!

Nos no mester bringa La-
go pasobra realmente nos
no tin arma. Pero esey no
ta motibo i ademas no ta
Lago nos ta bringa sino nos
ta lucha pa nos derecho
primario está: no sufri lam-
ber. No ta pasobra Lago ta
todo poderoso nos mester
tolera tur cos. Nos mester
ta conciente alavez di e
riesgonan cu nos ta corre
den nos lucha. Pero esey
no ta motibo pa para muri.
En breve: Aruba en com-

pleto mester ta mas cons-
ciente di su posicion. Net
pasobra nos ta dependen-
te di capital estranhero, nos
mester ta más alerta. Awor:
con toer asunto lo evolua
no por ser pronosticá.

B.C. lo mester negocia cu
hopi prudencia pero alavez
sin perde curashí. I pa futu-
ro mester garantiza interes
di nos isla prome cu toer
cos, ora ta negociando pa
trese industria nobo na nos
isla. I corda cu hotel y tu-
rismo no ta toer cos. Tu-
rismo ta progresando pero
no ta trese empleo pa un
masa grandi. Por termina aki
nan bisando cu nos mester
ta prepará pa toer cos.

Awor ta e momento pa
demonstra cu nos tin "weso-
di-lomba"; cu nos tin forza
moral.